

herm des lands Ruyt auff den 10. Septembris gehuldet vnd angenommen worden. Dem Almechtigē Gott sey lob vnd danck in ewigkeit.

**Kurze erzehlung welcher gestalt etliche fahnen Reuter der Ordinarien genandt/ von den Ritmeistern Boys vnd Bar geschlagē worden: sampt Beschreibung eines zugs so Graff Ludwig von Nassaw in das Lüsselburgerland gethan vnd verrichtet.**

**N**achdem S. Excellēz die Statt Grāue erobert/ sind die Ritmeister du Boys oder von dem Holtz vnd Bar den ersten Octob. mit dē Reutern auß der Besatzung Breda/ Bergē auff Som/ vnd Gertrudenberg außgerittē/ 14. fahnen starck/ vnd hatten ein anschlag auff etliche örter in Henegaw/ welchen zu vollführen sie vermeinten gute gelegenheit zu haben/ weil die Neutinierer einē Zug in welsch Brabant für hatten/ vnd der Erzhertzog von Bentō vnd Scharen dazumal sich wider in sein Leger begeben.

Als sie etwan drey meil vō Mastrich gen Bilsen kōmen/ vernamen sie daß acht Fahnen Reuter/ so dē Erzhertzog begleitet hatten/ ohn einig hinder sich denselben daselbst herumb lagen/ vnd waren die Bende von der Ordinansien/ wie mans nennet/ des Grafen von Mansfeld/ von Burē/ von Buquoy/ vō Beaurie/ vnd anderer/ sampt 3. Fahnen Walen vnd zwō Corneten Italiāner.

Diese